



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), člana 30. i 54. Zakona o izvršavanju Budžeta Unsko -sanskog kantona („Službeni glasnik Unsko-sanskog kantona“, br. 6/23 i 11/23), na prijedlog Kantonalne uprave civilne zaštite, Vlada Unsko-sanskog kantona na 32. sjednici održanoj dana 06.07.2023. godine, d o n o s i

ODLUKU

o kriterijima i postupku dodjele sredstava odobrenih u Budžetu Unsko-sanskog kantona
putem Kantonalne uprave civilne zaštite

DIO PRVI – OSNOVNE ODREDBE

Član 1. (Predmet)

Ovom Odlukom utvrđuju se korisnici sredstava, nosilac budžetskih sredstava, namjena sredstava, kriteriji za dodjelu, te postupak dodjele sredstava odobrenih Kantonalnoj upravi civilne zaštite u Budžetu Unsko-sanskog kantona na ime Tekućih grantova drugim nivoima vlasti i fondovima, Kapitalnih grantova drugim nivoima vlasti i fondovima i Kapitalnih grantova neprofitnim organizacijama.

Član 2. (Korisnici sredstava)

Korisnici sredstava po ovoj Odluci su gradovi / općine i dobrovoljna vatrogasna društva formirana na području Unsko-sanskog kantona.

Član 3. (Nosilac budžetskih sredstava)

Nosilac budžetskih sredstava u Budžetu koji planira finansiranje iz člana 2. Odluke je Kantonalna uprava civilne zaštite (u daljnjem tekstu: Uprava).

Član 4. (Namjena sredstava)

Sredstva iz člana 1. ove Odluke dodjeljuju se:

- a) gradovima / općinama Unsko-sanskog kantona za projekte iz oblasti zaštite i spašavanja od prirodnih i drugih nesreća u skladu sa članom 183. stav (3) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06, 43/10) i tačkom VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13, 20/20);
- b) gradovima / općinama i dobrovoljnim vatrogasnim društvima formiranim na teritoriji Unsko-sanskog kantona za projekte iz oblasti vatrogastva u skladu sa Zakonom o zaštiti od požara i vatrogastvu („Službene novine Federacije BiH“, broj 30/09) i Zakona o zaštiti od požara i vatrogastvu Unsko-sanskog kantona („Službeni glasnik Unsko-sanskog kantona, broj 4/13).

DIO DRUGI – DODJELA SREDSTAVA KORISNICIMA

POGLAVLJE I. SREDSTAVA ZA PROJEKTE IZ OBLASTI ZAŠTITE I SPAŠAVANJA OD PRIRODNIH I DRUGIH NESREĆA

Član 5.

(Opći kriteriji za dodjelu sredstava)

- (1) Za dodjelu sredstava za projekte iz oblasti zaštite i spašavanja od prirodnih i drugih nesreća gradu/općini primjenjuju se sljedeći opći kriteriji:
 - a) da je cilj projekta provođenje preventivnih mjera za zaštitu od prirodnih i drugih nesreća,
 - b) da su u budžetu grada/općine planirana sredstva za provođenje preventivnih mjera zaštite i spašavanja od prirodnih i drugih nesreća,
 - c) da su u programu razvoja zaštite i spašavanja ljudi i materijalnih dobara od prirodnih i drugih nesreća i planu zaštite i spašavanja grada/općine utvrđene preventivne mjere zaštite i spašavanja od prirodnih i drugih nesreća,
 - d) da su godišnjim planom korištenja sredstava posebne naknade za zaštitu od prirodnih i drugih nesreća grada/općine planirana sredstva za provođenje navedenih preventivnih mjera zaštite i spašavanja,
 - e) da općina/grad dostavi podatke o visini sredstava posebne naknade za zaštitu od prirodnih i drugih nesreća ostvarenih u prethodnoj kalendarskoj godini (finansijski dokument iz kojeg se jasno vidi ostvareni priliv sredstava).
- (2) Dokazi o ispunjavanju općih kriterija su original ili ovjerena kopija:
 - a) akta nadležnog organa grada/općine o usvajanju programa razvoja zaštite i spašavanja ljudi i materijalnih dobara od prirodnih i drugih nesreća,
 - b) akta nadležnog organa grada/općine o usvajanju plana zaštite i spašavanja od prirodnih i drugih nesreća,

- c) akta nadležnog organa grada/općine o korištenju sredstava posebne naknade za zaštitu od prirodnih i drugih nesreća za provođenje navedenih preventivnih mjera zaštite i spašavanja,
- d) akta nadležnog organa grada/općine o korištenju budžetskih sredstava grada/općine za provođenje navedenih preventivnih mjera zaštite i spašavanja,
- e) godišnjeg plana korištenja sredstava posebne naknade za zaštitu od prirodnih i drugih nesreća.

Član 6.

(Posebni kriteriji za dodjelu pomoći gradu/općini)

- (1) Općine/gradovi koji ispunjava opće kriterije iz člana 5. stav (1) ove Odluke, rangiraće se prema posebnim kriterijima i to:
 - a) da je priliv sredstava posebne naknade za zaštitu od prirodnih i drugih nesreća u općini/gradu (iz člana 5. stav (1) tačka e):
 - 1) manji od 30% od ukupno ostvarenog priliva koji pripada općinama/gradovima - pet bodova,
 - 2) između 30% i 50% - tri boda,
 - 3) veći od 50% - dva boda.
 - b) planirana sredstva u budžetu općine za provođenje preventivnih mjera zaštite i spašavanja od prirodnih i drugih nesreća (bez sredstava posebne naknade) su:
 - 1) veća od 30% od vrijednosti projekta - pet bodova,
 - 2) između 10% i 30% - tri boda,
 - 3) manja od 10% - dva boda.
 - c) projekti provođenja preventivnih mjera zaštite i spašavanja iz člana 5. tačka a) ove Odluke:
 - 1) ukupne vrijednosti do 10.000,00 KM - jedan bod,
 - 2) ukupne vrijednosti od 10.000,00 – 50.000,00 KM- dva boda,
 - 3) ukupne vrijednosti od 50.000,00 – 100.000,00 KM - tri boda,
 - 4) ukupne vrijednosti preko 100.000,00 KM - četiri boda.
- (2) Dokazi o ispunjavanju posebnih kriterija su:
 - a) ovjeren izvod iz budžeta općine/grada za prethodnu godinu i knjigovodstvena evidencija iz koje je vidljiv ukupan priliv sredstava posebne naknade za zaštitu od prirodnih i drugih nesreća u prethodnoj godini,
 - b) projektni prijedlog i predmjer radova gdje su jasno naznačeni izvori finansiranja projekta.

Član 7.

(Postupak dodjele sredstava)

- (1) Sredstva se dodjeljuju na osnovu projektnog prijedloga koji se podnosi Upravi.
- (2) Projektni prijedlog treba da sadrži:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta),
 - b) naziv projekta,
 - c) opis projekta,
 - d) ukupan budžet projekta i izvore finansiranja,
 - e) očekivane rezultate,
 - f) projektne aktivnosti po fazama i vremenski okvir,
 - g) učesnici u realizaciji projekta,
 - h) detalje o sufinansiranju,
 - i) instrukcije za uplatu sredstava.
- (3) O dodjeli tekućih grantova drugim nivoima vlasti i fondovima po osnovu Projektnog prijedloga odlučuje Vlada Unsko – sanskog kantona, te se ista realizuju prema programu utroška sredstava koji donosi Vlada na prijedlog Uprave.
- (4) O dodjeli kapitalnih grantova drugim nivoima vlasti i fondovima po osnovu projektnog prijedloga odlučuje Vlada Unsko – sanskog kantona, nakon provedenog javnog poziva, te se ista realizuju prema programu utroška sredstava koji donosi Vlada na prijedlog Uprave.

POGLAVLJE II. SREDSTAVA ZA PROJEKTE IZ OBLASTI VATROGASTVA

Odjeljak A. Dodjela sredstava općinama/gradovima

Član 8.

(Opći kriteriji za dodjelu sredstava gradu/općini)

- (1) Za dodjelu sredstava za projekte iz oblasti vatrogastva gradu/općini primjenjuju se sljedeći opći kriteriji:
- a) usvojena procjena ugroženosti od požara,
 - b) usvojen program razvoja zaštite od požara i vatrogastva,
 - c) usvojen plan zaštite od požara,
 - d) predviđeno finansiranje dijela projekta iz budžetskih sredstava,
 - e) da općina/grad dostavi podatke o visini sredstava posebne naknade za vatrogastvo ostvarenih u prethodnoj kalendarskoj godini (finansijski dokument iz kojeg se jasno vidi ostvareni priliv sredstava).
- (2) Dokazi o ispunjavanju općih kriterija su original ili ovjerena kopija:
- a) akta nadležnog organa grada/općine o usvajanju procjene ugroženosti od požara,
 - b) akta nadležnog organa grada/općine o usvajanju programa razvoja zaštite od požara i vatrogastva,
 - c) akta nadležnog organa grada/općine o usvajanju plana zaštite od požara,
 - d) akta nadležnog organa grada/općine o korištenju budžetskih sredstava za realizaciju projekta.

Član 9.

(Posebni kriteriji za dodjelu pomoći gradu/općini)

- (1) Općine/gradovi koji ispunjava opće kriterije iz člana 8. stav (1) ove Odluke, rangiraće se prema posebnim kriterijima i to:
 - a) da je priliv sredstava posebne naknade namjenjenih za potrebe vatrogastva u općini/gradu (iz člana 8. stav (1) tačka e):
 - 1) manji od 30% od ukupno ostvarenog priliva koji pripada općinama/gradovima -pet bodova,
 - 2) između 30% i 50% - tri boda,
 - 3) veći od 50% - dva boda.
 - b) planirana sredstva u budžetu općine za finansiranje projekata iz oblasti vatrogastva (bez sredstava posebne naknade za vatrogastvo) su:
 - 1) veća od 30% od vrijednosti projekt - pet bodova,
 - 2) između 10% i 30% - tri boda,
 - 3) manja od 10% - dva boda.
 - c) projekti iz oblasti vatrogastva iz člana 4. tačka b) ove Odluke:
 - 1) ukupne vrijednosti do 10.000,00 KM - jedan bod,
 - 2) ukupne vrijednosti od 10.000,00 – 50.000,00 KM - dva boda,
 - 3) ukupne vrijednosti od 50.000,00 – 100.000,00 KM - tri boda,
 - 4) ukupne vrijednosti preko 100.000,00 KM - četiri boda.
- (2) Dokazi o ispunjavanju posebnih kriterija su:
 - a) ovjeren izvod iz bužeta općine/grada za prethodnu godinu i knjigovodstvena evidencija iz koje je vidljiv ukupan priliv sredstava posebne naknade za potrebe vatrogastva u prethodnoj godini,
 - b) projektni prijedlog i predmjer radova gdje su jasno naznačeni izvori finansiranja projekta.

Član 10.

(Postupak dodjele sredstava)

- (1) Sredstva se dodjeljuju na osnovu projektnog prijedloga koji se podnosi Upravi.
- (2) Projektni prijedlog treba da sadrži:
 - a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta),
 - b) naziv projekta,
 - c) opis projekta,
 - d) ukupan budžet projekta i izvore finansiranja,
 - e) očekivane rezultate,
 - f) projektne aktivnosti po fazama i vremenski okvir,
 - g) učesnici u realizaciji projekta,
 - h) detalje o sufinansiranju,
 - i) instrukcije za uplatu sredstava.

(3) O dodjeli tekućih grantova drugim nivoima vlasti i fondovima po osnovu projektnog prijedloga odlučuje Vlada Unsko – sanskog kantona, te se ista realizuju prema programu utroška sredstava koji donosi Vlada na prijedlog Uprave.

(4) O dodjeli kapitalnih grantova drugim nivoima vlasti i fondovima po osnovu projektnog prijedloga odlučuje Vlada Unsko – sanskog kantona, nakon provedenog javnog poziva, te se ista realizuju prema programu utroška sredstava koji donosi Vlada na prijedlog Uprave.

Odjeljak B. Dodjela sredstava dobrovoljnim vatrogasnim društvima

Član 11.

(Opći kriteriji za dodjelu sredstava vatrogasnim društvima)

(1) Za dodjelu sredstava za projekte iz oblasti vatrogastva dobrovoljnim vatrogasnim društvima primjenjuju se sljedeći opći kriteriji:

- a) da je upisano u Registar udruženja,
- b) da je osnovalo dobrovoljnu vatrogasnu jedinicu u skladu sa planom zaštite od požara,
- c) da je donijelo program rada za tekuću godinu,
- d) da je donijelo finansijski plan za tekuću godinu i izvještaje za prethodnu godinu,
- e) da je registrovan kao porezni obveznik,
- f) da je izmirilo obaveze po osnovu poreza i doprinosa,
- g) da su planirana vlastita sredstva za realizaciju projekta.

(2) Dokazi o ispunjavanju općih kriterija su original ili ovjerena kopija:

- a) rješenja o upisu u Registar udruženja,
- b) odluke nadležnog organa o osnivanju dobrovoljne vatrogasne jedinice, ličnu i materijalnu formaciju jedinice,
- c) program rada udruženja,
- d) finansijskog plana za tekuću godinu i finansijskog izvještaje za prethodnu godinu,
- e) uvjerenja o poreznoj registraciji,
- f) uvjerenja o izmirenim obavezama po osnovu poreza i doprinosa.

Član 12.

(Posebni kriteriji za dodjelu pomoći vatrogasnim društvima)

(1) Dobrovoljna vatrogasna društva koja ispunjava opće kriterije iz člana 11. stav (1) ove Odluke, rangiraće se prema posebnim kriterijima i to:

- a) da su planirana vlastita sredstva za realizaciju projekta iz člana 11. stav (1) tačka g) ove Odluke:
 - 1) veća od 30% od vrijednosti projekta -pet bodova,
 - 2) između 10% i 30% -tri boda,
 - 3) manja od 10% -dva bod.

- b) projekti iz oblasti vatrogastva iz člana 4. stav (1) tačka b) ove Odluke:
- 1) ukupne vrijednosti do 10.000,00 KM - jedan bod,
 - 2) ukupne vrijednosti od 10.000,00 – 25.000,00 KM - dva boda,
 - 3) ukupne vrijednosti od 25.000,00 – 50.000,00 KM - tri boda,
 - 4) ukupne vrijednosti preko 50.000,00 KM- četiri boda
- (2) Dokazi o ispunjavanju posebnih kriterija su:
- a) ovjerena kopija Finansijskog plana dobrovoljnog vatrogasnog društva za tekuću godinu,
 - b) dokaz o raspolaganju vlastitim sredstvima, odnosno izvod o stanju sredstava na transakcijskom računu društva otvorenom kod ovlaštene finansijske institucije.

Član 13.
(Postupak dodjele sredstava)

(1) Sredstva iz člana 1. ove Odluke se dodjeljuju na osnovu projektnog prijedloga koji se podnosi Upravi.

(2) Projektni prijedlog treba da sadrži:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta),
- b) naziv projekta,
- c) opis projekta,
- d) ukupan budžet projekta i izvore finansiranja,
- e) očekivane rezultate,
- f) projektne aktivnosti po fazama i vremenski okvir,
- g) učesnici u realizaciji projekta,
- h) detalje o sufinansiranju,
- i) instrukcije za uplatu sredstava.

(3) O dodjeli kapitalnih grantova neprofitnim organizacijama po osnovu projektnog prijedloga odlučuje Vlada Unsko-sanskog kantona, nakon provedenog javnog poziva, te se ista realizuju prema Programu utroška sredstava koji donosi Vlada na prijedlog Uprave.

DIO TREĆI – ZAVRŠNE ODREDBE

Član 14.

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-2190-463/2023
Bihać, 06.07.2023. godine

